

Ո Ր Ո Շ ՈՒ Մ թիվ 21
վարչական տույժ նշանակելու մասին

«16» փետրվարի 2022թ.

ք. Սիսիան

Ես՝ Հայաստանի Հանրապետության Պետական եկամուտների կոմիտեի Հարավային մաքսատուն-վարչության պետի ԺԹՊ Արտաշես Ղամբարյանս, քննելով Իրանի Իսլամական Հանրապետության քաղաքացի Մանսուր Ֆատիոլլահի Աֆշարի (անձնագիրը՝ T47301759) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

2022 թվականի հունվարի 11-ին ՀՀ ՊԵԿ Հարավային մաքսատուն-վարչության աշխատակիցները Մեղրիի մաքսային կետ-բաժնի տարածքում զննության են ենթարկել ԻԻՀ-ից ՀՀ ժամանած, քաղաքացի Մանսուր Ֆատիոլլահի Աֆշարի կողմից շահագործվող «IVECO» մակնիշի, 57AA177/8 հաշվառման համարանիշի բեռնատարի վրա բարձված XE305D մոդելի էքսկավատորը, ինչի արդյունքում էքսկավատորի շարժիչի կողային հատվածներից ապրանքների հայտնաբերումը դժվարացնող հանգամանքներում հայտնաբերվել է սև գույնի պոլիէթիլենային տոպրակով ծածկված, մաքսային հսկողությունից թաքցված թվով 23 հատ 20 լիտրանոց և թվով 34 հատ 4 լիտրանոց տարաների մեջ լցված ընդհանուր 596 լիտր քաշով դիզելային վառելիք:

Փաստի առթիվ վարորդ ԻԻՀ քաղաքացի Մանսուր Ֆատիոլլահի Աֆշարի նկատմամբ ՀՀ մաքսային օրենսգրքի 201-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն, իսկ իրավախախտման անմիջական օբյեկտ համարվող վերոնշյալ ապրանքներն ի պահ է հանձնվել Մեղրիի մաքսային կետ-բաժնի մաքսային հսկողության տարածքում:

Վարչական վարույթի շրջանակներում 17.01.2022 թվականի թիվ 9 մտից համարի գեկուցագրով հարցում է կատարվել ՀՀ ՊԵԿ Հարավային մաքսատուն-վարչության համապատասխան ստորաբաժանմանը՝ ճշտելու վերոնշյալ ապրանքի մաքսային արժեքի և վճարման ենթակա մաքսային վճարների չափը:

ՀՀ ՊԵԿ Հարավային մաքսատուն-վարչության 01.02.2022թ-ի թիվ 16 մտից համարի տեղեկանքի համաձայն՝ 2022թ հունվարի 11-ի դրությամբ «բացթողում ներքին ապառման համար» մաքսային ընթացակարգով հայտարարագրելու դեպքում 596 լիտր դիզելային վառելիքի մաքսային արժեքը կկազմի 179594 ՀՀ դրամ:

ԵՏՄ մաքսային օրենսգրքի 2-րդ հոդվածի 1-ին մասի 25-րդ կետի համաձայն՝ «Միության մաքսային սահմանով ապրանքների անօրինական տեղափոխում» է համարվում ապրանքների տեղափոխումը Միության մաքսային սահմանով այն վայրերից դուրս, որոնցով, սույն Օրենսգրքի 10-րդ հոդվածին համապատասխան, պետք է կամ կարող է իրականացվել ապրանքների տեղափոխում Միության մաքսային սահմանով, կամ այդ վայրերում գտնվող մաքսային մարմինների աշխատանքային ժամանակից դուրս, կամ մաքսային հսկողությունից թաքցնելու կամ ապրանքների ոչ հավաստի հայտարարագրման կամ չհայտարարագրման կամ ապրանքների վերաբերյալ ոչ հավաստի տեղեկություններ պարունակող փաստաթղթեր օգտագործելու միջոցով և (կամ) նույնականացման՝ կեղծ կամ այլ ապրանքներին վերաբերող միջոցներ օգտագործելու միջոցով:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 201-րդ հոդվածի համաձայն՝ Հայաստանի Հանրապետության մաքսային սահմանով ապրանքների տեղափոխումը՝ մաքսային հսկողությունից թաքցնելով, այսինքն՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների մաքսային արժեքի չափով:

ՀՀ մաքսային օրենսգրքի 219-րդ հոդվածի համաձայն՝ մաքսային կանոնների խախտման վերաբերյալ գործը քննվում է վարչական պատասխանատվության ենթարկվող անձի մասնակցությամբ: Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

Քաղաքացի Մանսուր Ֆատիոլլահի Աֆշարի սահմանահատումների պատմությունը ստանալու նպատակով հարցում է կատարվել ՀՀ ՊԵԿ Ներքին անվտանգության վարչությանը:

Ի պատասխան հարցման ՀՀ ՊԵԿ Ներքին անվտանգության վարչությունը տրամադրել է սահմանահատումների վերաբերյալ տեղեկատվություն համաձայն որի Մանսուր Ֆատիոլլահի Աֆշարին 13.01.2022 թվականին ժամը 17:16-ին Մեղրիի մաքսային կետ-բաժնով անցել է ԻԻՀ:

Քաղաքացի Մանսուր Ֆատիոլլահի Աֆշարը 2022 թվականի փետրվարի 16-ին հրավիրվել է ՀՀ ՊԵԿ Հարավային մաքսատուն-վարչություն՝ իր նկատմամբ ՀՀ մաքսային օրենսգրքի 201-րդ հոդվածի հատկանիշներով սկսված վարչական գործի քննությանը մասնակցելու համար և միաժամանակ նախազգուշացվել, որ համաձայն ՀՀ մաքսային օրենսգրքի 219-րդ հոդվածի՝ չներկայանալու դեպքում վարչական գործի քննությունը կիրականացվի առանց իր մասնակցության, սակայն վերջինս պատշաճ ծանուցված լինելով հանդերձ չի ներկայացել:

Այսպիսով, նյութերով պարզվել է, որ 2022 թվականի հունվարի 11-ին քաղաքացի Մանսուր Ֆատիոլլահի Աֆշարը մաքսային հսկողությունից թաքցնելով՝ իր կողմից շահագործվող «IVECO» մակնիշի, 57AA177/8 հաշվառման համարանիշի բեռնատարի վրա բարձված XE305D մոդելի էքսկավատորի շարժիչի կողային հատվածներից սև գույնի պոլիէթիլենային տոպրակով ծածկված, ՀՀ մաքսային սահմանով տեղափոխել է ընդհանուր՝ 179594 ՀՀ դրամ մաքսային արժեքով ապրանք, այսինքն՝ Մանսուր Ֆատիոլլահի Աֆշարը թույլ է տվել ՀՀ մաքսային օրենսգրքի 201-րդ հոդվածով նախատեսված մաքսային կանոնների խախտում, ինչը հիմնավորվում է մաքսային կանոնների խախտման վերաբերյալ

արձանագրությամբ, ՊԵԿ Մաքսանենգության դեմ պայքարի վարչության 11"01"2022թ-ի մաքսային զննման ակտով, Հարավային մաքսատուն-վարչության թիվ 16 մտից համարի տեղեկանքով: Վերոգրյալի հիման վրա և ղեկավարվելով ՀՀ մաքսային օրենսգրքի 201-րդ, 206-րդ, 219-րդ, 221-րդ և 224-րդ հոդվածներով,

Ո Ր Ո Շ Ե Ց Ի՝

1. Մանսուր Ֆատիոլլահի Աֆշարին (հասցե՝ ԻԻՀ, ք. Բահար, Շահիդ Ռաջայի պողոտա, Շահիդ Ասքյարի փողոց, տուն 10, անձնագիր՝ T47301759) ճանաչել զանցառու ՀՀ մաքսային օրենսգրքի 201-րդ հոդվածով և նրան տուգանել թաքցնելով ՀՀ մաքսային սահմանով տեղափոխված վերոնշյալ ապրանքի մաքսային արժեքի չափով՝ 179594 ՀՀ դրամի չափով:

2. Վերցված ապրանքները կարող են վերադարձվել մաքսային ձևակերպումները կատարելուց, տուգանքի վճարումից, մաքսային վճարների և պարտավորությունների կատարումից հետո՝ մեկ աշխատանքային օրվա ընթացքում:


3. ԵՏՄ մաքսային օրենսգրքի 98-րդ հոդվածի 4-րդ մասի համաձայն՝ որոշումն ուժի մեջ մտնելու օրվան հաջորդ օրվանից ոչ ուշ, քան 10 օրացուցային օրվա ընթացքում վերցված ապրանքները պետք է հանձնվեն ժամանակավոր պահպանման:

4. Որոշման մասին հայտնել Մանսուր Ֆատիոլլահի Աֆշարին՝ պարզաբանելով ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ դա կայացնելուց հետո 10 օրվա ընթացքում կամ ՀՀ վարչական դատարան երկու ամսվա ընթացքում:

Սույն որոշմամբ նշանակված տուգանքի վճարման հաշվեհամարն է. **900005024055՝ 179594 ՀՀ դրամ, նշել 30 կողք:**

ՀԱՐԱՎԱՅԻՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏԻ ԺԹՊ



ԱՐՏԱՇԵՍ ՂԱՄԲԱՐՅԱՆ